

〔女院小傳〕皇嘉門院藤聖子崇德后近衛准母法性寺關白藤原忠通第一女母大納言宗通卿女從三位

藤宗子略中 大治五、二、廿一爲中宮略下

〔歷代皇紀〕伏見中宮藤鐙子太政大臣實兼女母內大臣源通成女正應元年八月廿日冊去六月八日爲女御伏見院后後伏見准母

妃爲准母

〔女院部類〕徽安門院壽子花園院皇女光嚴院妃後光嚴院准母建武四年二月五日院號略節

女御准三宮

〔扶桑略記〕二十九後冷泉永承六年六月廿四日右大臣藤原朝臣教通三女女御勸子准三宮賜年官年爵封戶千戶一云七月十日准三宮云々

〔扶桑略記〕二十九延久四年十二月一日乙亥女御源朝臣基子准三后給年官年爵并封戶五百烟

〔二代要記〕白河女御從四位下藤朝臣道子內大臣能長一女母贈從三位源濟政女延久元年八月廿二日入太子宮二十八同五年七月廿三日爲女御叙從四位下承保二年十二月廿八日准三后三十四

〔平戶記〕仁治三年十二月十八日丙寅今日故四條院女御彦被下准后宣旨殿下藤原良實御猶子之儀云々仍令申請給也

〔續三宮傳〕新皇嘉門院仁孝帝女御文化十四年十二月十一日入內廿一同月十二日女御宣下略中

帝母准三宮

〔玉海〕文治六年四月十九日壬寅今日當今鳥羽後母儀子叙三品即被下准后宣旨了是予再三所奏請也勅別當權中納言親信卿云々被母儀伯父也上卿內大臣

〔業資王記〕正治元年十二月十三日辛未主上御門御母儀子被下准后宣旨道日三品局所

〔女院部類〕光範門院資子贈左大臣藤資國女准大臣資教爲子後小松院妾稱光母後花園養母略中 應永三十一年七月廿九日准三宮同日院號